

KHAWVÊL SUNDAY SCHOOL NI
November 1, 2020

NAUPANG LAM
(INTERMEDIATE-SENIOR)

THUPUI

PI MALSÂWMI
CHANCHIN

Ziaktu
Lalrinkimi



SYNOD LITERATURE & PUBLICATION BOARD

*Published by
Synod Literature & Publication Board
for
Mizo Sunday School Union*

*Chhut khatna - 2020
Copies - 6,500
(All rights reserved)*

*Printed at
Synod Press
Aizawl, Mizoram
796001*

THUHMAHRUAI

Kum 2020 Khawvel Sunday School Ni, theirawl zir atân MSSU Committee chuan, 'Pi Malsâwmi Chanchin' a thlang a. A ziaktu atân Pi Lalrinkimi ruat a ni bawk. Pi Malsâwmi leh he lehkhabu ziaktute hi Kohhran Hmeichhe rawngbâwlnaa hun rei tak lo thawk ho tawh an ni a. A chanchin hre bertu zînga miin a ziak theih hi a lâwmawm hle.

Pi Malsâwmi hi kohhran bêl tlat, rawngbâwlna kawnga mi inpe leh Kohhran Hmeichhe rawngbâwlnaah pheih chuan sùlnu ngah leh hruaitu hriat hlawh tak a ni a. A chanchin hi a ngaihnaawm a, entawn tûr a tam hle. Tleirâwlte nun hruai thei tûr leh entawn tûr ṭha tak chhawp chhuahsak an ni hi a hlu hle mai.

He lehkhabu zirtu zawng zawngten hlâwkna an chhar chhuah ngei theih nân duhsakna ka hlân e.



(REV. B. SÂNGTHANGA)

Executive Secretary

I/c MSSU etc.

**KHAWVÊL SUNDAY SCHOOL NI
NOVEMBER 1, 2020**

**NAUPANG SUNDAY SCHOOL PROGRAMME
Intermediate - Senior**

CHAWHMA INKHÂWM

- Hruaitu : Leader, Sacrament Department
Ṭantu chhiar tûr : Thufingte 10:16-17
Sunday School Thil Tumte sawi rual ni se
Zai ho : KHB No. 508
(Hring nun kan zin kawngah hian)
Châng sawi rual : Sacrament Department
Zaipâwl : Senior Department
Thilpêk lâk khâwm leh hlan
Thupui sawi : **Pi Malsâwmi Chanchin: Ṭhen khatna**
Thupui sawitu : Asst. Leader, Senior Department
Châng sawi rual : Intermediate Department
Zai ho : KHB No. 511
(Hun kha leh chen min kaihruaitu)

CHAWHNU INKHÂWM

- Hruaitu : Asst. Superintendent i/c NPSS
Ṭantu chhiar tûr : Sam 1:1-2
Zai ho : KHB No. 150
(Khawvêl hi bo mah se)
Special Item : Intermediate Department
Thupui sawi : **Pi Malsâwmi Chanchin: Ṭhen hnihna**
Thupui sawitu : Asst. Leader, Intermediate Department
Special Item : Senior Department
Special Item : Sacrament Department
Zai ho : KHB No. 28 *(Min vêngtu chu Lalpa a ni)*

*(Khawvêl Sunday School Ni thawhlâwm hi Bial Treasurer kal
tlangin Synod Office-ah chhûn luh tûr a ni)*

ṬHEN KHATNA

1. Pian leh mûrna
2. Zirna lam
3. Chhûngkaw lam
4. Rawngbâwlina lam
5. Khawtlâng leh ram tâna a inhmanna
6. A lehkhabu ziahte

ṬHEN HNIHNA

1. A mizia
2. A tu leh faten a rawngbâwlina an chhunzawm
3. A hun hnuhnûng

ṬHEN KHATNA

1. Pian leh mûrna

Pi Malsâwmi hi a hming pum chu Lalmalsâwmi a ni a; mahse, Malsâwmi tih hian lam a ni ber ṭhîn. Kum 1914 February 20-ah Kelsih khuaah a lo piang a. Nu lian thelh thawlh, hmêl ṭha tak a ni. A pa chu Kelsih Lal, Lalsailova a ni a, Sailo hnam an ni; a nu chu Saihnûni, Reiêk Lal, Sailianpuia fanu a ni. A pu (a pa pa) chu Khawbêl Lal, Lungliana Sailo a ni a, a pu hi Mizo lal zînga fa ngah bera sawi a ni a, fa 32 a nei. Pi Malsâwmi pa Lalsailova hi Mizo Lalte zîngah Kristian hmasa ber pâwl a ni a, Sailo Lal zînga Kristian Dân thianghlina nupui nei hmasa ber a ni. A nu leh pate hi kum 1912, May 16-ah Pu Zosâphluia (Rev. DE. Jones) kutah an innei a ni. Mizo lalten Kristianna an huat êm êm lai leh zirna ngaih sân nachâng an la hriat loh laiin, Pi Malsâwmi pa Lalsailova hian Zosâpte hnuaiah lehkha a zir a, Shillong High School-ah a zir chhonzawm a, heta a zir lai hian Kelsih khuaah ‘Lal’ nih a ṭûl avângin a duh anga thui pawh zir lovin Shillong a chhuahsan a, Kelsih Lal ni chungin *Mohorar* hna a thawk a, ‘Aizâwl aṭanga Thênzâwl’ a bial a ni. A nu Pi Saihnûni pawh hi a nulât laiin chhûngte hriat hlau chung a Kristian ru tlat a ni a, pasal neih a lo hunin Kristian tlangvâl Lalsailova a nei a, a pa a thih tawh avângin a û Lalluaia, Reiêk Lal In aṭangin pasal hi a nei a; mahse, Kristian tlangvâl a neih avângin a û hian Mizo hmeichhe thuan hlu ber ṭihna a chhawmtîr lo va ni.

Pi Malsâwmi nu leh pa Lalsailova leh Saihnûnite hi Mizo zînga Lal Isua zuitu ni hmasa pâwl an ni a. Kristian nupa hlim tak an ni a, chutiang kêra lo piang a nih vâng a ni ngei ang, Pi Malsâwmi hming ziak tel lo chuan Mizo History te, Kohran hmeichhe rawngbâwlna leh vântlâng rawngbâwlna ziah theih loh tluk a ni a, Zofate zînga Nu ropui leh chhuanawm a ni. Pi Malsâwmite unau hi 10 an piang a, naupan laiin pahnih an

thi a, puitlin thlenga dam mipa panga leh hmeichhia pathum an ni a, lehkha thiam leh sawrkâr hna lian tak tak thawkte pawh an awm a ni. An unau puitlin thlenga damte upat dân indawtin:

1. Lalmalsâwmi, Zârkawt
2. Sub. Lalthanmawia
3. Captain L.R.Sailo Political Officer, Daporijo NEFA
4. Lalthansanga (Pensioner), Republic
5. Lalhmingthanga, Forester
6. Zoliana, Agriculture Officer
7. Ngûrkhumi
8. Lalthantluangi, Republic

2. Zirna lam

Pi Malsâwmi hi kum kaw mi a nihin Zosâp nula Pi Zomawii (Miss Kitty Lewis)-in Aizâwla Mission School-a lehkha zir tûrin a sâwm a. Kum 1929-ah Middle English a zo va, Mizoram hmâr chanah pakhatna a ni. High School ram danga zir chhunzawm thei tûrin Scholarship hmu pha a ni a; mahse, an hotunu Pi Zopâri (Miss C.M Davies) chuan zirtirtua awm tûrin a duh avângin a zir chhunzawm lo va. Amaherawhchu, vânduaitlhâk takin Pi Zopâri chu hrisêl lohna avângin Sâp ramah a haw leh ta thut si a. Hemi hnu hian Pi Malsâwmi chuan Silchar Girls High School-ah a zir chhunzawm leh ta a. Kum 1936-ah he School atang hian Matric Second Division-ah a pass a; Mizo hmeichhe zinga Matric pass hmasa ber dawttu niin, Dr. Challiankimi nêan an pass rual a ni. Tichuan, Women Christian Medical College, Ludhiana-ah mahni sum sêngin Lady Doctor a zir leh a. Hetih lai hian a nau Lalrinthanga'n Scottish College, Kolkatta (Calcutta)-ah lehkha a zir ve bawk a. Pi Malsâwmi hian Lady Doctor kum hnih a zir hnu hian a pa sawrkâr hnathawh a lo tâwp ta hlauh bawk si a, sum harsatna avângin

a zirlai chu a chawhlsan leh ta a ni. A hnu rei vak lovah Red Cross Stipend hmuin Lady Duffrin Hospital, Kolkotta-ah Lady Health Visitor leh Senior Midwifery Course 1940-1942 chhûngin a zir leh a, hei hi ðha takin a pass leh a ni. Amaherawhchu, hêng a thiamnate hi sawrkâr hnathawh nân hmang lovin, kohhran leh vântlâng rawngbâwl nân ðangkai takin a hmang ta zâwk a ni.

3. Chhûngkaw lam

Pi Malsâwmi hi kum 1941-ah Lalsânga, Hmingdailova leh Dosâti-te fapa, Theiriat kua nê an innei a. An inneih hnu hian a pasal Lalsânga hian Govt High School, Aizâwlah zirtirtu hna a thawk a, Vice Principal-in a pension a ni. Pu Lalsânga hi kum 1964-ah Dâwрпи Kohhran Upa atân thlantlin a ni a, Chhimthlang Presbytery-in Dâwрпи Kohhranah a nem nghet a ni. Kum 1992-ah Dâwрпи aţanga Zârkawt Kohhran an indan khân Upa a ni zui zêl a, Kohhran ding tîra sûlsutu leh hmahruaitu a ni. Pi Malsâwmite nupa hian fa an nei tlêm a, pakhat an chhiat hlauhva, fapa pakhat chauh an nei ta a, a hming chu Lalhmingliana a ni. Lalhmingliana hian BA a pass hnuah Kohima English School-ah rei vak lo a thawk a, hemi hnuah A.O. hnate thawkin Zoram hmun hrang hrangah sawrkâr hna avângin a awm a. Nupui fel tak Pi Rami a nei a, anni nupa hian fapa pali leh fanu pathum an nei a, tu leh fate nê Zârkawt MacDonald Hill-ah chhûngkuain an chêng a, a pasal Upa Lalsânga hian kum 1993 May 24-ah chatuan ram a pansan a, Pi Malsâwmiho hian an khawsa zui a ni.

4. Rawngbâwlna lam

Pi Malsâwmi hi Pathian ðih mi leh mi puitling tak a ni a, a nunah hian entawn tlâk tak tak a tam hle. A nu leh pate Kristian ðha tak an ni a, chu chuan a nunah mize ropui tak an tuh a. A naupan lai aţangin Mission School-ah kalin Zosâp nulate kaihhruai chhoh a ni bawk a, a phâk tâwka Kohhrana

inhmang leh ãangkai a ni chho zêl a, vântlâng leh ram tân pawh a thiamna leh finna te a hmang ãangkai êm êm a ni. A rawngbâwlna langsar zualte lo târ lang ila:

(1) Zaipâwlah: Kum 1929-ah Assam Synod Inkhâwmpui (Assembly) Sylhet-ah (tûnah chuan Bangladesh ram chhûngah a awm) Pi Zaii hova zaipâwl kal zîngah a tel ve a. Hemi ãum hian United Church of North India palai Rev. Ralla Ram chuan India hmâr lamah zaia rawngbâwl tûrin a sâwm a, a sâwm ang chuan Pi Zaii ho bawkin zaipâwl member 50 rual zîngah tel lehin, November 1933 aãanga January 1934 chhûngin India hmâr lam khawpui lian deuh deuh 16-ah zaia rawngbâwlna an nei a, chûng an khaw tlawhte chu: Calcutta, Patna, Benaras, Lucknow, Kanpur, Allahabad, Ludhiana, Meerut, Agra, Shahjahanpur, Saharanpur, Bareilly, Moradabad, Deradun, Delhi leh Lahore te an ni (Lahore hi tûnah chuan Pakistan ram chhûngah a awm) Pi Malsâwmi hi Silchar High School-a a kal lai a nih avângin a ãhiante chu Silcharah a lo nghâk a, Pi Malsâwmi chuan soprano a sa ãhîn a ni. Amahin a sawi dânin Mizoram aãanga a ãhian lo kalte chu Tlawng luiah lawngin an lo kal a, an thawmhnawte chu puanin an rawn têl far a, pheikhawk bun pawh an awm mang lo va, Silcharah pheikhawk leh slipper te an lei a, an la bun ngai loh avângin a ãthen chuan an bun lai chu an thlauh va, an kalsan leh rih ãhîn a ni âwm e. An zaipâwl hian Sâp hla hlîr an sa a, Hlapui- Halleluia Chorus te, Holy City tih te an thiam nâl hle a, an zai ngaithlatute thinlung pawh a hneh hle ãhîn a ni. Mizo zîngah Mizoram pâwna zaia rawngbâwl hmasa ber an ni hial âwm e. Pi Malsâwmi hian hetia zaia rawngbâwlna an neih ãum hian, “Khati taka Sâp hla sa thiam chu Sâp ãawng kan thiam ringin Sâp ãawngin min han be ãhîn a, Sâp ãawnga chhâng thei aram kan lo awm leh mang si lo va,” tiin hlim takin a sawi ãhîn.

(2) Kohhran malah: Kum 1943 aţangin Dăwrpui Kohhranah an tel a. Kum 1944 aţangin Sunday School zirtirtuah a ţang a, kum 1995 June 1-ah chăwl lova kum 50 chhŭng Sunday School Zirtirtua a ţan avăngin Chawimawina Certificate a dawng a ni. Nilai leh Beihruai thupui hawngtu zŭngah a tel a, a rawngbăwlŭna langŭsar ber chu kohhran hmeichhe rawngbăwlŭnaah a ni. Dăwrpui Kohhran Hmeichhiaa rawngbăwlŭna a chelhte:

Chairman: 1950, 1957, 1958, 1960, 1963, 1964, 1965, 1966, 1970, 1979, 1980, 1981, 1982, 1985, 1986, 1987, 1988, 1989, 1990.

Vice Chairman: 1984, 1991, 1992, 1993

Secretary: 1962, 1967, 1968, 1969, 1977, 1978

Treasurer: 1971, 1973-1975

Committee Member: 1994 – 2002

(3) Bialah: Dăwrpui Pastor Bial Hmeichhe Inkhăwmpui hmasa ber chu September 20-24, 1949-ah Pi Lloyd-i hovin an nei a, Committee member-ah a tel nghăl a, kum 1950-ah Chairman atăn an thlang a, Bial Hmeichhe Inkhăwmpui Chairman hmasa ber a ni. Biala nihna a lo chelh tawhte:

Secretary: 1962-1970, 1970-1974, 1974-1981, 1982-1983 (Secretary hi pahnih an inkawp ţhŭn a, a thawhpuite chu Nl. Hmangaihzuali, Saron; Pi C.Lalneihkimi leh Lalhmingliani, Zărkawt te an ni.)

Chairman: 1950, 1953, 1983-1993

Vice Chairman: 1981-1982, 1993-1995

Committee Member: 1998 thlengin

Hun hmasa lamah chuan Dâwrpui Bialah hian Office Bearer an awm hran lo va, Bial Secretary a awm a, Inkhâwmpuiah chuan a thlengtu kohhrana mi Chairman an hmang mai thîn a, OB mumal taka neih hma lamah pawh Pi Malsâwmi hian Dâwrpui Bial Secretary hna a lo thawk mawlh mawlh tawh a ni.

Kum 1988 April 19 khân Dâwrpui Bial Hmeichhe Inkhâwmpui chuan Bial din tirh aṅanga kum 40 zet Bial lo kaihruaitu a nih avângin Chawimawina Certificate an hlân a ni.

(4) Inkhâwmpui lianah: Pi Malsâwmi hi Mizoram Presbyterian Kohhran Hmeichhe rawngbâwlinaah sùlsutu a ni a. Kohhran Hmeichhia a lo dina, a lo ṭhan chhoh zêlnaah te, Bial 4/5 infin Inkhâwmpui lo neih chhoh zêlnaah te, Zoram pum huapa Hmeichhe Inkhâwmpui Synod hriatpuia kum 1960-a neih ṭanah te telin hruaitu leh mi pawimawh a ni zêl a. Kum 1960-ah Zoram Pum Huap Inkhâwmpui lian a lo din tirhah Chairman ni ṭanin Inkhâwmpui lian Chairman hmsa ber leh ni rei ber a ni chho ta a ni. Kum 1960-1991 thlengin chawlh awm miah lovin Central Committee-ah a awm tluan parh a ni. A chanvo chelhte lo târ lang ila:

- (a) Inkhâwmpui Lian Chairman: 1960-1981, 1987-1989
- (b) Vice Chairman: 1964, 1982-1986, 1990-1991
- (c) Synod Buhfaithâm Secretary: 1968-1978
- (d) Agape Editorial Board member 1986-2003 (A thih 1.1.2003 thlengin)
- (e) PWF Standing Committee Member 1987-1990

Inkhawmpui lian Chairman a nih kum belh khâwm hi kum 23 lai a tling a ni. Hmeichhe inkhâwmpui lian bul lo ṭantu

zînga mi, he rawngbâwlnaa theih tâwpah inhman Pi Malsâwmi chanchin hi hre lo pawh kan awm âwm lo ve. Kohhran Hmeichhe rawngbâwlna pawimawh tak buhfaithâm rawngbâwlna hi a tuipui êm êm a, a ãangkaina leh mi tin tih theih rawngbâwlna a ni tih uar takin Zoram dung leh vângah a tlângaupui ãhîn a, “*Kan in chhungah Lalpa chanpual awm chhun chu Buhfaitham Bel chiah hi a ni,*” tiin hnukulh ãeuhin a sawi ãhîn a ni. Chuvângin, buhfaithâm chanchin sawi chuan mite thinlungah Pi Malsâwmi hi a lang tel fo ãhîn a ni.

(5) *Wales rama zin thu:* Kum 1985-a Hmeichhe Inkhâwmpui Lian Silver Jubilee lawmna hmanga lo kal Pi Teii (Zosâp) leh Pi Menna LL Green, Wales ram Kohhran Hmeichhe Organiser-te khân Wales ram leh Mizoram Kohhran Hmeichhe rawngbâwlna inhriat tâwnna ãha a awm theih nân intlawhtawn ãha an tih thu leh hmeichhe rawngbâwltu pakhat zirna sâng zâwk zir târa châwm an huam thu an sawi a. Tichuan, Central Hmeichhe Committee chuan zirna sâng zâwk zir târin Pi Zomuani, Women Worker chu Selly Oak, Birmingham, U.K-ah kum khat training târin kum 1987 khân a tîr a, Diploma in Pastoral Study a zuk zir a, a sênso hi Wales Kohhran Hmeichhiaten an tum a ni. Hei bâkah hian rawngbâwlna inhriatpui tawna atân Wales ram Hmeichhe Inkhâwmpui hmang târin mi pahnih tîr târa an rawn sâwm angin Pi Malsâwmi leh Pi Hmangaihthangi te kal târa ruat an ni a. Kum 1988 April thla tâwpah Wales ram panin an kal a, hêng inkhâwmpuite hi an zuk hmang:-

(a) *South Wales Welsh Rally:* Wales ram chhimthlang lama Fishguard-ah kum 1988 May 3 khân an tel a. Welsh ãawng hmanna inkhâwmpui a ni.

- (b) *North Wales Welsh Rally*: Wrexam (Pu Samuel Davies-a te khua)-ah kum 1988 May 10-ah an tel a. Welsh ṭawng hmanna inkhâwmpui a ni.
- (c) *North Wales English Rally*: Holylake-ah kum 1988 May 11-ah an hmang a. Sâp ṭawng hmanna inkhâwmpui a ni.
- (d) *South Wales English Rally*: Kenfig Hill-ah kum 1988 May 19-ah an hmang a. Sâp ṭawng hmanna inkhâwmpui a ni.

Hêng inkhâwmpuiah hian Pi Malsâwmite ṭhian dôn hian Mizoram Kohhran rawngbâwl na chanchin te, Kohhran Hmeichhe rawngbâwl na chanchin te, Sunday School lam te an sawi ṭhîn a. Mizoram Kohhran Hmeichhiaten sum tuakna chi khat atân ar notê ṭhum zînga pakhat a kêah la an buntîr a, chu chu a lo len hnuin chu ar man chu Kohhran Hmeichhe rawngbâwl nan an pe a, chu ar ke hrên chu a dang aiin a ṭhang duh bîk a ni tih Pi Malsâwmin a sawite chu mak an ti hle a, inkhâwm bânah ‘ar ke hrên, ar ke hrên’ an ti ve nawk nawk a, tiin Pi Malsâwmi hian a sawi. Welsh nuho pawhin an thusawi chu ngaihnawm an ti ṭhîn hle a ni. An lo haw leh hnuah pawh Aizâwla vêng hrang hrangah leh thingtlâng lama zinna hmunah te Sâpram zin report pe tûr hian an sâwm ṭhîn a, ngaihthlâk a nuamin, a khamawm loh ṭhîn hle a ni.

5. Khawtlâng leh ram tâna a inhmanna

Pi Malsâwmi hi Mizo hmeichhiaah chuan vântlâng rawngbâwl naa chanchin ngah pâwl tak a ni âwm e. A rualin nihna pawimawh tak takte a chelh a. Inkhâwmpui Lian Chairman a nih laiin MHIP President-ah thlan a ni bawk a, State Social Welfare lamah nihna pawimawh tak a chelh bawk a, Social Welfare leh MHIP thila a zin pawhin Kohhranah rawngbâwlnate a nei nghâl thei bawk a, a thawh hlâwk thei hle a ni.

A dinhmun chelh tawhte:

- (a) Member, Executive Committee Mizo Women's Union (1956-1959)
- (b) Member, District Rural Development Agency for implementation of the Integrated Rural Development (1958- 1966)
- (c) Member, State Level Committee on Employment (1971-1972)
- (d) Mizoram Women's Federation President hmasa ber (1974-1976)
- (e) Member, District Project Implementing Committee
- (f) State Social Advisory Board-ah :
 - (i) Treasurer – 1973- 1975
 - (ii) Vice Chairman 1976-1979
 - (iii) Chairman : 1980- 1984
- (g) Member, State Family Planning Board 1975-1976
- (h) Member, Handicraft Advisory Board 1976-1978
- (i) Member, State Board for Selection and Determination of Grand-in-Aid to be awarded to patients suffering from fell diseases.
- (j) Vice Chairman, (1978-1980) and Life member of Mahila Imdad Committee.
- (k) Member, International Year of Disabled Persons Committee 1978-1980
- (l) Member Indian Red Cross Society, Mizoram Branch
- (m) Vice President, AMSHA, 1982

- (n) Member State Level Committee (ICDS) 1980-1982
- (o) Member, State Level Committee on 20 Point Programme 1982-1984
- (p) Vice President, State Council Meeting Bharat Scouts & Guides Association 1882-1984
- (q) Member, National Children's Fund Committee 1981-1983

Hêng dinhmun hrang hrang a lo chelh leh ram tâna a thawh that avâng hian chawimawina chi hrang hrang pawh a dawng nghe nghe a ni.

6. A lehhabu ziahte

- (1) Mizo Kohhran Hmeichhiate chanchin, 1973
- (2) Dâwrpui Pastor Bial Kohhran Hmeichhiate rawngbâwlna 1973
- (3) Zosâp Hmeichhiate Chanchin 1974
- (4) Mizoram Presbyterian Kohhran Hmeichhe Chanchin, 1993 (Hei hi Gospel Centenary Series No.10-na Synod-in a ziahtîr a ni.).
- (5) Ka Khualzin Kawng : 2001 (Hei hi ama chanchin a ni).

ṬHEN HNIHNA

1. A mizia

(1) Pi Malsâwmi hi mahni inrintâwkna ṭha tak nei a ni a, hruaitu nih a tlin a, a zâm lo va, phûr tak leh hlim takin hruaina hna te a thawk mai ṭhîn. A aw leh a miziain mi a hneh a, tu pawh hian hruaitu enin an en vek mai niin a lang.

(2) Pasal zah thiam tak a ni a, a thu lo chuan eng mah a ti ngai lo. Amahin a sawi dânin, “Kan pa hi strict tak a ni a, hmeichhe Inkhâwmpuia riah chhuahte hi a remti lo va, mittui tla chungin ṭhiante ka thlah liam ṭhîn,” a ti. A thuawihna hian a pasal pawh a hneh a, hun hnuhnûng lamah chuan a pasal hi a rawngbâwlnaa ṭawiâwmtu ṭha tak a ni nghe nghe a ni.

(3) A bula awm a nuamin a thlamanthlâk a, dawhthei a, midang thu a ngaichâng thiamin a ngai hlu thiam a, ama ngaih dân tihlang a tum tlat ngai lo.

(4) Kohhran a ngai pawimawh êm êm a, Kohhran taka Committee kaihruai ṭhîn mi a ni. A rilru zawng zawnga rawngbâwlnaa inpe mi a ni.

(5) Thusawi a thiam a, a âw a ṭha a, ngaihnawm takin thu a sawi thiam a, buhfaiṭhâm thu a sawite hian ṭhahnem a ngai a, mi a hnehin mi tam tak mittui a titla ṭhîn. Mizoram a buai a, Zosâpten min hawsan khân buhfaiṭhâm enkawl hna a thawk nghâl a, buhfaiṭhâm a enkawl chhûngin nasa takin a pung a ni. “Zosâpten Mizoram an hawsan hnu kum 1968-ah buhfaiṭhâm sumin chêng nuai a kai a ni,” tiin mak ti takin a sawi ṭhîn. A hma lam chuan kum khat chhûnga hmuh hi chêng nuai a la tling ngai lo va ni.

(6) Pathian a ring a, a ṭawngṭainate chu Pathianin a chhâng ngei ang tih a ring tlat a, mi dang pawh a zirtîr ṭhîn. A Bible châng innghahna a târ lan fo chu ‘Rei deuh mah se, nghâk rawh, a lo thlen ngei dân avângin, a tlai chuang lo vang,’

(Habakuka 2:3) tih hi a ni a. “Min au la, ka chhâng ang che, thil ropui leh inthup i hriat ngai loh chu ka entîr ang che,” tih te hi a ngainain a sawi fo ðhîn (Jer 33:3).

(7) Pi Malsăwmi hi hruaitu nih tling, mawhphurhna a kova awm chu zâm hauh lova hmachhawn ðhîn a ni a. Zoram Nu tih tling khawpin kohhranah leh vântlâng nunah hmeichhiate hmasâwn nân a inhmang a, Kohhran Hmeichhe rawngbâwlinaah pheï chuan sùlsutu leh hruaitu ni rei berte zînga mi a ni a; mahse, a chapo ngai lo va, hlim takin a chanvo chu a thawk mai ðhîn a ni. A rawngbâwlpui kum upa deuh leh naupang zâwkte pawh ðhian angin a kâwm thiam vek mai a ni. Hnam dangte nêna chêt honaah pawh Vai ðawng leh Sâp ðawngte a hmang thei zêl a, zinpui a nuam êm êm a ni.

Thingtlâng lama rawngbâwla zin chhuah chângte hian an lo ngai sâng thei êm êm mai a, a châng chuan motor aţanga a chhukte hi amah lo hmuaktuten an lo zâwn ðhîn a, a hova zin hi a thlamuanthlâk hle a. Thusawina hun zawng zawng hi a chan tûra dah maite hi a nuam a, amah pawhin sawi tûr a ngah a, nuam a ti bawk a, hlim takin a sawi mai ðhîn. Amaherawhchu, hun a lo kal zêl a, a ruala zin vete pawhin hun chan a awm chho ve ta zêl zâwk a ni. Tûn hma deuh chuan Ningani aţangin Pathianni thlengin Kristian Chhûngkaw Campaign leh Leadership Training te hian zin chhuah ðhîn a ni a, thlen zân aţangin inpâwl hona a awm nghâl a, inkhâwm bân apiangin inkawmkhâwm a ni bawk ðhîn. Chûngahte chuan a zinpuite kan chauh hle lai pawhin, kum upa tak a nih hnuah pawh hah leh chauh a sawi ngai lo va, hlim takin hun tâwp thlengin a awm ðhîn.

(8) A fapa neih chhun hi sualin a vuan rei ve hle a; mahse, beidawng lovin a ðawngţaisak reng a, Lalpan a dîlna chhân hun a nei ang tih a rin tlat thu a sawi ðhîn. A rin ang leh a beisei ang ngeiin a fapa Lalhmingliana chu Khawhaia A.O a

nih laiin Pathianin a la chhuak ta a, a lâwm thu hi rawngbâwlpuite a hrihl ve mawlh mawlh thîn.

(9) Pi Malsâwmi hian a bîk takin Kohhran Hmeichhiaah hian sîlhnu a ngah êm êm a, Kohhran mal (Zarkawt)-ah hruaitu hna hi a theih hun chhông chu a chelh a, amah a chak loh hle hnu pawhin a rawngbâwlpuiten an ngai hluin an ngaina êm êm a. Committee-ah pawh a thih hma zawng chu an awmtîr tawp mai a, a thurâwnnte an ngai chângin an zah a, hruaitu nghetah an neih tlat a ni. Bial a fan theih tawh loh hnuah pawh Committee member zînga mi a bial kêp tûr an insiam mai a ni.

Bialah pawh hruaitu a ni rei hle a, châwl lova kum 40 hruaitu chawimawina a dawn hnuah pawh hruaitu a la ni chhunzawm zêl a, a tel lova kal kha a rawngbâwlpuiten an ngai ngam lo a ni ber mai. Inkhâwmpui Lianah pawh hian hruaitu a ni rei hle a, Inkhâwmpui Lian a din hmaa Bial thum/ Bial li infin inkhâwmpui an neih lai aţang tawhin hruaitu a ni reng a. Inkhâwmpui Lian a lo din 1960 aţangin Chairman a ni chho ngar ngar a, hruaitu thlan thar hunah pawh amah kha palaiten an duh avângin an thlang zêl mai a, kum 21 zet a zâwn hian Inkhâwmpui lian Chairman a ni a; hei hian mi bîk (special) a nihzia a târ lang hle a ni. Synod-in kum 1981 aţangin Inkhâwmpui Lian Chairman tûr hi a ruat ta a, a hmasa ber atân Pi Thangdailovi, Rev. Zairema nupui chu a ruat a, term khat a chelh a, Pi Sâptawni ruat a ni leh a, ani hian term hnih a chelh a, hemi hnu hian 1987-1989 atân Synod hian Pi Malsâwmi hi Inkhâwmpui Lian Chairman-ah a ruat leh a, chumi hnuah kum 1991 thlengin Ex-Officio -in Central Comittee-ah a la awm zui a ni. Hetiang hian tualchhông aţanga ram pum huap thlengin Pi Malsâwmi hian hruaitu hna hi a chelh a, a sîlhnu a tam êm êm a, Kohhran Hmeichhiate Nu tih mai tûra ţangkai leh hlu a ni.

(10) Pi Malsâwmi chanchin, amah hnaihtu leh a chênpuì, a thih thlenga enkawltu, a fapa nupui Pi Ramin a sawi dân hi a ngaihnawm a, Pi Malsâwmi ropuizia tilangtu pakhat a nih avângin han târ lang ila:

“Ka Nu hi nu ropui a ni. Chhûngkaw harsatnain a rawngbâwlina a tihniâm lo va, a hnungtawlh lo; a rawngbâwl chhan a hre Chiang a, a chanvoah chuan a inpe pumhlum vek thîn. Lal fanu a ni a, ka pa a enkawl thei hi a ropui,” a ti. “‘Ka fapa hi zu in mi a ni a, harsatna tam tak kârah chhûngkuua ngaihdam tûlna kan ngah ang, min ngaidam rawh,’ a ti a, ka ngai ropui hle. Ka nu thu min chah — ‘He Bible changah hian inngat tlat la, tawngtai zêl ang che,’ a ti a, chu chu ‘Rei deuh mah se, ngâk rawh, a lo thlen ngei dân avângin, a tlai chuang lo vang’ (Hab 2:3) tih hi a ni,” a ti.

2. Pi Malsâwmi rawngbâwlina a tu leh faten an chhonzawm

Pi Ramin a nu Pi Malsâwmi rawngbâwlina an chhonzawm dân hetiangin a sawi: Ka tu leh fate hnênah, pâwn lam rawngbâwlina kan tive thei vak lo va, ka nu ngaih pawimawh êm êm chhûng inkhâwm leh buhfaiṭhâm hi kan ti zêl ang tiin ka sawi thîn a, tûn thlengin chhûng inkhâwm leh buhfaiṭhâmah theih tâwp kan chhuah zêl a, hei hi kan rawngbâwl vena a ni, a ti. Chu bâkah Pi Malsâwmin beidawng lova tawngtai tlat tûra a mo a hrihna chu zâwmin, a pasal chhanchhuaha a awm dân hetiangin Pi Rami hian a sawi a: “Ka nu leh ka pa hi tawngtai mi ni lo se, ka pasal Lalhmingliana hi zu hmun aṭangin a chhuak lo vang, an tawngtaina rah a ni. Ka nu min kaihruainain ka pasal ka tawngtaipui thîn a, a hlawhtling a, ka lâwm hle a ni,” tiin. Pi Malsâwmi monu, Pi Rami hian a pasal pianthar dân leh a tu leh fate a zirtîr dante hetiangin a sawi zui bawk: “Khawhaia kan awm lai a ni a, kan pa Lalhmingliana chu a buai nasa êm êm a, Aizâwl lam ka

phone a, rawn hruai tumin an lo kal a, an lo thlen hma zân aţangin a rawn harh a, ka fapa upa berin gitar a perh a, ‘I Kraws bulah lo kûnin’ tih hla kan sa a. Chutih lai chuan Pastor Quarters bangah Kraws Chiang takin ka hmu a, ‘Halleluia, Amen!’ tiin ka au chiam a, tibuaite an kiang a, chhanchhuahin a awm ta a ni. Tin, ka tu leh fate hnênah, in hmun ţhaa kan awmte hi kan theihna a ni lo va, kan nu leh pa, in pi leh pu (Pi Malsâwmi leh Upa Lalsânga) zâra kan neih vek a nih hi ka ti ţhîn,” tiin a sawi bawk. Heti taka a monuin Pi Malsâwmi a ngai sâng a, a hmangaih a, a thuchah a ngai pawimawh hi a ropui a; Pi Malsâwmi hian Pathian ţihna ching chhûngkuua a tuhzia a târ lang a, an nufa inkâr ţhatzia te, a monu Pi Rami entawn tlâkna leh Pi Malsâwmi ropuzia te kan hmu thei a ni.

3. A hun hnuhnûng

Pi Malsâwmi chu a kum te a lo tamin a lo chak lo tial tial a, thisensâng te a nei a. Kum 2001 April thlaah lungna a nei tel ţan tih hriat a ni a, a tu leh faten hmangaih takin an enkawl a, a chak loh hnuah in bulah a tlu sual a, a malpui ruh a pelh a, tho chhuak thei lovin a awm ta a ni. Hetih chhûng hian a tu leh faten duat takin an enkawl a. Pi Malsâwmi hi mi invawng tak a nih avângin ni tin inbual a duh a, a monu hian hmangaih taka bualin, a mamawh a tihsak ţhîn a, a hun tâwp thlenga enkawltu a ni. Kum 2002 Krismas ni chawhma inkhâwm chu Biak Ina a kal hnuhnun ber a ni ta a. Tichuan, January ni 1, 2003 Kum Thar ni zîng dâr 10:30-ah kum 89 mi niin, hmangaih taka rawng a lo bâwlsak Lalpa hnênah chatuana châwl tûrin khawvêl a lo chhuahsan ta a ni. A hnuk chah lai pawhin hahdam takin, hmuh hrehawm awm lovin a kal a, a thih ni hi Kum Thar ni a ni a, a chhûngten a tûka kohhranho kum thar lâwm tûr tihbuai hlauvin, a thih ni-a vui nghâl mai an rêl a, hemi ni tlai dâr 3:00 -ah vui liam a ni ta a ni. Rev. H Zalâwma, Bialtu Pastor-in a vui a, Mizoram Presbyterian Kohhran

Hmeichhe Inkhâwmpui Lian aiawhin Chairman, Pi Zapârin a chanchin a sawi a, Central Committee member țang lai leh a hlui awm zawng zawngten a kuang thla an lâkpui bawk. A chanchin sawituten mi ropui, rinawm taka Pathian rawngbâwltu, talent nei țha tak, Mizoram tâna nu chhuanawm tling phâk a nih thu an sawi tam hle a ni.

Tichuan, kohhranhoten ropui takin anmahni in MacDonald Hill, Zârkwat-ah a thlah liam a. Amaherawhchu, hun bichilh taka vui liam a nih avâng leh a thih hunin a zir loh avângin, a thih thu pawh hre hman lo leh a vuinaa tel duh êm êm, amah uitu leh ngai sângtu tam tak an tel ve hman ta lo chu a pawh hle a ni. A thih thu hria apiangten an ui hle a, vêeng hrang hranga Kohhran Hmeichhiate pawhin an hun remchâng neih ang angah an inah kalin an râl hlawm a, a awmna Dâwmpui Bial pawhin Committee an neih hmasak berah ngawi renga dingin sîнна hun an hmang a, Bial Committee-in a chênna inah an râl leh bâkah an Bial hmeichhe Inkhâwmpui Pathianni chawhma inkhâwmah ngawi renga sîнна hun an hmang bawk a ni. Central Kohhran Hmeichhe Committee pawhin kum 2003 February 12-ah Pi Malsawmi ralna hun a hmang a, Central Committee ding lai ni tawh lo mah se, a bul țantu leh kum tam tak lo hruaitu a nih avângin mi dang thîk rual lohva ngaiin ralna hun hi siam a ni a, a chhûngte hnênah thuziak an hlân a ni. Kum 2003-a Inkhâwmpui lian Chhiahtlânga neihah Pathianni chawhma inkhâwmah urhsîn takin ngawi renga sîn a ni bawk.

Hetiang nu ropui, țhat lai hun zawng zawnga Pathian rawngbâwltu, kohhran leh khawtlângah hmeichhiate hmasâwnna atâna hmahruaitu leh entawntlâk, a bîk takin Zoram Kohhran hmeichhiate tâna hruaitu ropui kan neih avâng hian Pathian hnênah lâwm thu sawi ila, "In hotu, Pathian thu lo hrilhthu che u chu hre reng ula, an awm dâna

thil chhuak chu ngaihtuahin an rin dân zir rawh u,” (Heb 13:7)
tih angin Pi Malsâwmi nun leh rawngbâwlnaa thil ÷ha entawn
tlâkte chu zirin, a rawngbâwlna chhonzawm tûrin
kohhranhoten ÷an i la zêl ang u.

LEHKHABU RÂWNTE

*Dâwrpui Pastor Bial Kohhran Hmeichhe Committee Chanchin
1949-2004*

*Dâwrpui Pastor Bial Kohhran Hmeichhe Golden Jubili Souvenir
1949 – 1998*

Inkhawmpui Lian Golden Jubili Souvenir 1960-2010

Malsâwmi. Ka Khualzin Kawng, 2001.

Zapâri. Kohhran Hmeichhe Ni Thu Zir 2003

Mi mal râwnte:

1. Pi C.Lalneihkimi, Zârkawt
2. Pi C.Lalneihthangi, Zârkawt
3. Pi Lalthakimi, Dâwrpui
4. Pi Rami, Zârkawt